

*Алексей Михайлович Татаринев – Удурбай*

*Библиотекарь күнүнэн!*

Билиигэ – көрүүгэ ыңгырар  
Кинигэ алыптаах кыһата,  
Сырдыкка ыңгыра угуйар  
Сонуну тарҕатар бэчээтэ.

Дьон – сэргэ туһугар кыһалла  
Сэргэхтик үлэлиир кинилэр,  
Ааҕыны биһири, тарҕата  
Хайҕалы ылаллар кыргыттар.

Оскуола эрдэхтэн саҕалаан  
Кэнчээри ыччаты көбүлүүр,  
Киэнг билии аартыгын арыян  
Кинигэ кыһата ыңгырар.

Үйэлээх бэчээппит түмэлэ,  
Баараҕай билиибит үрдэлэ,  
Сайдыны ылыны бу киинэ  
Барыбыт талаһар баҕата.

Өй –мэйии үлэтин күүһүрдэ  
Куруутун ыңгыра тураҕын,  
Сангалы билиини арыя  
Өрүүтүн махталы ылаҕын.

Сырдыгы тарҕата үлэлээн,  
Талба да, кэрэ да кыргыттар,  
Дабайар үрдэлгэ арыаллаан,  
Үлэһит үтүөтэ кыргыттар.

27.05.2016

### *Аафар түһүлгэ*

Кинигэни таптыабын,  
Сурунаалы аабыабын,  
Хаһыаттары арийыан –  
Элбэх билии ылыабын,  
Өйдөөх киһи буолурбун.

Умсугуйа аағаннын  
Абылата ылларыан,  
Аахтар ааған истэргин  
Аан дойдуну анаарыан,  
Билии төрдүн баһылыан.

Хоһоон, үгэ, чабырбаһа,  
Сэһэн, кэпсээн, олонхо,  
Остуоруйа дойдута  
Кинигэбэ суруллар,  
Үйэлэргэ бэриллэр.

Киэнг билиигэ ынгырар  
Кинигэбит түмэлэ,  
Аабааччыны көһүтэр,  
Аанын тэлэ арийа  
Үөрэ – көтө көрсүһэр.

Аафар түһүлгэ тула  
Бары бииргэ мунһуустуох,  
Кинигэни ырыта  
Санаабытын үллэстиэх,  
Сайа тыына дуоһуйуох.

*14.03.2018*

***Кинигэ түмэлин үбүлүөйүгэр***

Бар дьону сырдыкка уһуйар,  
Билиигэ – көрүүгэ ыңгырар,  
Аабыга тапталы үөскэтэр  
Кинигэ бараммат байҕала.

Сахабыт норуотун аатыгар  
Үгүс да үтүнү онгорбут,  
Дьонуннаах суругу хаалларбыт  
Дьоннорбут үлэтэ бу манна.

Улуу нуучча суруйааччылара,  
Аан дойду ааттаах тыл уустара  
Иитиэхтээн таһаарбыт үлэлэрэ  
Мунһуллабут анал түмэллэрэ.

Сангаттан саңаны эн арый,  
Кинигэ алыптаах эйгэтэ,  
Эдэри, эмэни эн угуй,  
Билиибит – көрүүбүт кыһата.

Кинигэ – төрүт тыл сүмэтэ,  
Кинигэ – илбис тыл иччитэ,  
Кинигэ – өй – санаа уйата,  
Кинигэ – билии – көрүү төрдө!

2.11.2015

***Библиотека кыргыттарыгар***

Олонхо дойдута Таатта,  
Улуу Былатыан ыһыаҕа,  
Өрөгөйдөөх үбүлүөйэ  
Ыалдьыттары көһүтэрэ.

Сырдык күннүү мичилиһэн  
Наммыт кэрэ далбардара,  
Үөрэн – көтөн кынаттанан  
Айан суолун туппуттара.

Сындылҕаннаах уһун айан  
Чаҕыннарбат кэрэлэри,  
Күүттэрбэтэх көрдөөх айан  
Мичээр кыымныыр кинилэри.

Талба талыы Таатта сири  
Кирири аана нэлэһийтэ,  
Ытык сиргэ бэлэх ууран  
Айыы сирэ астыммыта.

Солко симэх солотуулаах,  
Дьикти кэрэ айылҕалаах  
Орто сиргэ үктэммикит,  
Кэрэхсээнгит көһүөрбүккүт.

Улуу Суорун Омоллооммут  
Хадаайыта көрсүбүтэ,  
Сылаас тыыннаах алаһа дьибэ  
Дьоллоох түүлү көрдөрбүтэ.

Ойуунускай өйдөбүннүк  
Үйэтиитин сэргээбикит,  
Алампаҕа сүгүрүйэн  
Чуумпурангыт нөрүйбүккүт.

Олонхобут дойдутугар,  
Уйгу быйан ыһыаҕыгар  
Сизэри – туому ылыммыккыт,  
Саха аһын амсайбыккыт.

Сонун сиртэн сэргэхсийэн  
Санааҕытын этиммикит,  
Улуу киһи аатын ааттаан  
Сибэкки дьөрбөтүн уурбуккүт.

Арҕаа аартык суолун батан  
Эңсиэлини тутуспуккүт,  
Уһун суолга ыллаан – туойан  
Ахтылҕаны таһаарбыккыт.

Суоппар уолгут эрэллээхтик  
Уруулунаан тустубута,  
Дьүккүөрдээхтик, кимиилээхтик  
Көнө суолу тайаммыта.

Тахсар күннүү сэргэх дьонно  
Тааттаҕытын өрүү саныы,  
Махтал сылаас тылын аныы  
Ахтыһаарын, Кэрэ Куолар.

20.06.2018